

## *Чужан муёй, съёлөмиөрөй!*

Менам чужан муёй – ылі войвывса Керчомъя сикт. Ай–мамлөн му, тэнад өд кузьсьыс – кузь история. Кык сюрс кызь өтиөд воын кутам пасйыны куимсё сизимдас вит во котыртчөмсянь. Меным көть на дас кык арös, но ме гөрдитча аслам дона, муса чужанінөн. Чизыр төв, чөдья – пувья ягьяс, мырпома нюрьяс, тулысын дзольгысь шорьяс да Эжва – матушка ю сетöны «керйысь чом» артмём сиктлы вын да эбös. Тані олöны сюсь да пыді вежöра, пыр отсавны чепöсйысь восьса съёлöма войтыр.

Ме пыр кывза висьталöмсö ыджыд мамлысь, коді вуджис кузь туй, пыкис тшыг да кынмём, эз чорзвы съёлöмнас, көть ас пытштйыс нуис Ыджыд вермём вöсна вөрöгкөд тышлысь мунан курыд олöмсö. А ыджыд мам – Ваддорова Анна Фёдоровна пыр бурö велөдöма ассьыс челядьсö: менсьым Педот Миколай Нина мамös да Прокö Иван Митрей чожös. Найö бур кывьясөн казтывлöны Керчомъя сиктын олöмсö.

Меным воис съёлöм вылö мамөлөн дзолядырся кадсö казтылöмыс. Сылөн висьталöмыс син водзö сувтіс съёлöм вөрзьөдана серпасөн. Водз асывсянь, шонді петігөн, кылö Эжва ю вылын пыж–моторлөн шы. Заводитчö гожся асыв. Гожся кадыс ёнджыка кольö съёлöмад. Пуяс пасьтасьöмаöсь веж паськөмөн, вощьöмаöсь мича дзоридзьяс. Югыд шондіыс гажөдö мусö. Эжва юбокса посёлокын водз асывсяньыс жö нин өвтö чöскыд пöсь нянь дукөн. Тасянь вөрзьөдчöны ыджыд пу пыжъясөн уджалысьяс: пöрысь и том, гырысь и посни. Йöзыс коткодзувкар мында. Зільöсь, тэрыбöсь, шаньöсь! Олöмыс пуö. Ю пөлөн шливгысьöмаöсь – паськөдчöмаöсь ыджыд видзьяс, сэні регыд мысти кыптасны уна пинькоста зорөдьяс. Эжва юö усьö Көтйём ю. Көтйём юö усьö Кельчанка. Сэні вуграсьöны посни зонкаяс. Найö узытөмөсь, унзільöсь, но шудаöсь, ваясны гортас войбыдөн кыйём чери. Мамныс, дерт, ошкыштас. Водзынджык, Көтйём ю бокын, тыдовтчöны мös чукөрьяс, найö горша йирöны веж турун, оз повны гут–гагйысь. Нöшта водзынджык

мыччысьёны вёрын кер дорын уджалысьяс: мужичёйяс и нывбабаяс, кодьяс зїля вёчёны ассыныс уджсё: лэдзалёны берегысь керьяс, дасьтёны водзё кывтны ю кузя карлань. Овлё, мый воштылан туйсё, сибдылан керьяс костё, но сюрас жё петанїныд. Көтйём ю кыр йылын вёр керкаяс. Сэні узьлёны да олёны чери кыйысьяс, вотчысьяс, миян чужан муса вёр–ваён нимкодясьысьяс.

Коми вёр–валысь мичсё да озырлунсё аддзам ми и өні. Сөстём да ыджыд юясын, тыясын эм быдсяма чери. Миян помтём–дортём пармаын эм уна пёлёс звер–пётка. Ягьясын да нюрьясын быдмё уна вотёс: певпомгырся чёд да пув, дзоньвидзалун сетысь турипув, шондїторьяс кодь мырпом. Арын петё помтём тшак. А Кадам тыыс саридз кодь! Помтём–дортём! Ты дорё шоча воывлёны сикт-грездясьысь да карьясьысь шойччысьяс. Кадамлөн мичлуныс да лышкыдлуныс ылөдлө и суйёрсайса олысьясөс.

Радлө сьёлөмыд дженьыд войвывса гождөмын. Овлө, локтас гымалөмөн да чардалөмөн сьөд кымөр, весиг повзыштлан, сайөдас югыд шондїсө, зэрыштас. Зэрём бөрын сөстөммө сынөдыс, кокныда лолавсьө, бара сьёлөмыд радлө. Сьёлөмшөрөй, чужан муөй!

Ме помтөма радейта ассым чужан муөс, сылысь енмөн сетём мичлунсө! Öд ме верстямма да тшөтш кута висьтавны аслам быдтасьяслы пөль–пөчлысь, мам–батьлысь казтылөмьяссө. И көсья, медым чужан муөй, сьёлөмшөрөй, дзоридзалас аслас вермөмьясөн да кисьмас удал йөзөн.